

PHYSICI  
FRANCISCI FRAPOLLI

Mediolanensis Nosocomii majoris  
Medici


*ANIMADVERSIONES*

In Morbum, vulgo *Pelagram*.




*N. Antonii Borgi*






EXCELLENTISSIMO VIRO  
JULIO POMPEJO MARCHIONI LITTÆ  
VICECOMITI ARESIO  
MAGNATI HISPANIARUM, EQUITI CLAVIS AUREÆ  
COMITI VALLIS LUMELLINÆ  
PLEBIS BREBBIÆ  
FRACCIÆ SUPERIORIS VARISII  
REGIO FEUDETARIO VALLIS CUVIÆ  
PLEBIS ARCISATI  
ET REGIONUM VICECOMITALIUM  
INTIMO CUBICULARIO  
A SECRETIORIBUS CONSILIIS REGIO BELLICO  
COMMISSARIO GENERALI  
LONGOBARDIÆ AUSTRIACÆ &c. &c. &c.



# EXCELLENTIA.

FRANCISCUS FRAPOLLI.

 Ucuibratiunculam hanc meam Tibi  
inſcripto *MARCHIO EXCELLENTISSIME*.  
Quo vero nomine id tandem praſto? Quan-  
tuſcunque ego ſum totum me Tibi debeo.  
Hoc Tuncet noſti jampridem, cum gratia,  
favore Tuo, totque me beneficiis cumulavi:  
Idque fortaffe baud erat ſatis pervulgatum,  
Teque ſilente, mei porro erat muneris pro-  
palam pradicare. Si minus lato, quam of-  
fero libens, lumine exceperis, ipſe tamen

4                      'meme,

*meme, quod deceret, præstasse gratulabor  
mibi: At summa comitas, tuæque singula-  
ris benevolentia alacri me esse animo, spem-  
que facit eam Tibi acceptam fore. Alia  
quoque accedit ratio, qua Tibi exhibenda  
hæc quammaxime: Suum quippe Fautorem,  
Vindicem, amantissimumque veluti Parentem  
Te pauperes suspiciunt. Quem enimvero id  
lateat? Atqui maximo isthæc pauperum in-  
fortunio, amissæ scilicet eorum consulit va-  
letudini, idque morbi quodam genere, eo  
graviori, frequentiorique, quo minus cognito.  
Si Tibi horum commoda, salusque cordi est  
potissime, tua illi adprobatione auctoritatem  
adde, ac decus. Clarissimo hocce munita  
præsidio in lucem prodibit fidentius, seseque  
Judicum vel severiorum oculis subicere mi-  
nime verebitur.*

*Dabam Mediolani die XX. Septembris  
MDCCCLXXI.*

## ANIMADVERSIONES

In Morbum, vulgo *Pelagram*.

Evit inter nostræ hujusce Infu-  
briæ Agricolas Morbus quidam,  
qui symptomatum haud raro  
læthaliū varietate, novitate-  
que omnium utique, sed præsertim Phy-  
sicorum animos, ac studia ad sedulam,  
penitioſioremque ſui diſquiſitionem ſum-  
mopere excitat, inflammatque, ut præ-  
ſentiora, quibus huic queat occurrī,  
remedia dignoſcantur, Gentisque agro-  
rum fertilitati, uberiori annonæ, bo-  
noque publico aſſidue intentæ pretioſam  
tutari liceat incolumitatem.

Vere adventante cum ad arborum  
cultum dies integras vehementius in-  
cumbunt agreſtes viri & mulieres, pue-  
ri puellæque, ac quiſque ſuis, quæ  
decent cuiusque ætatem & vires, gra-

vibus , levibusve muniis operam imper-  
 titur , accidit perſæpe , ut cutis eorum  
 color in rubrum subito mutetur , tan-  
 quam eryſipelatoſum , maculæque ali-  
 quando roſeæ , ( quas *Rofas* vocant Ru-  
 ſtici ) in Epidermide appareant , parvu-  
 laque inſuper coloris varii tubercula  
 crebro eleventur : pellis inde exſiccatur ,  
 continentes tuniculæ diffiliunt , corroſa  
 cutis in ſquamulas decidit albas veluti  
 ſurfuraceas ; manus denique , pedes , pe-  
 ctus , raro etiam facies , cæteræque Cor-  
 poris Soli expoſitæ partes turpiter ſcæ-  
 dantur . Hæc porro , mira ſane exter-  
 narum affectionum ſeries , quam leviter  
 hætenus attigimus , morbum illum con-  
 ſtituit , quem vulgo *Pelagram* vocant .  
 Sed , quo tandem devenit huiusmodi  
 morbus ? Elapſo æſtivo tempore omnia  
 in priſtinum reſtituuntur ; redit cuti  
 naturalis conſtitutio , & ni pejora acci-  
 dant ,



dant, *Pelagram* negligunt Agricolaë, neque quidquam præterea patiuntur mali. Atqui revera, & sæpe sæpius insævit morbus, tum maxime cum non adhuc desquamatur cutis, sed rugosa, imo callosa fit, rimisque referta. Tunc enim Capite prius laborare incipiunt Ægri, timorem, mœroremque, vigilias, vertiginesque, mentis oblivionem, ne dicam, fatuitatem, hypocondriaca deliria, alvi fluxum, & aliquando Maniam pati; Vires tunc corporis deficere, crurum præcipue, femorumque, ac motum harum partium fere prorsus amittere, summo opere emaciari, dyarhæa colliquativa corripì remediis omnibus contumacissima, luridaque tandem consumptos macie extremam Patientes obire diem, En brevis historia morbi observationibus innixa.

De hoc ego acturus inquiram 1.<sup>o</sup> an

Morbus novus sit *Pelagra*? 2.<sup>o</sup> Num  
 contagiosus? 3.<sup>o</sup> Quænam caussa sit?  
 4.<sup>o</sup> An iidem semper effectus. 5.<sup>o</sup> Num  
 Hygiene attendenda. 6.<sup>o</sup> Quæ tandem  
 curatio? Atque ita aliquo ordine pro-  
 gredietur tractatio, resque suas in par-  
 tes ritè distincta magis elucescat.

*Pelagra*, si nomen tantum spectetur,  
 An Morbus  
 novus sit  
*Pelagra*? morbus revera novus censebitur; nemo  
 enim, quem ipse sciam, usque adhuc  
 de hac cutis affectione peculiariter  
 scripsit, neque graphica reperitur de-  
 scriptio apud Veteres, quorum solertia  
 in morbis cutaneis observandis, distin-  
 guendisque summopere admiranda. Ana-  
 loga sunt huic morbo nonnulla Impeti-  
 ginis symptomata, cutis scilicet duri-  
 ties, siccitas, asperitas, cæteraque hu-  
 juscemodi, quæ & in *Pelagra* observan-  
 tur, & a Sennerto præcipue describun-  
 tur *pract. lib. 5. part. 1. cap. 30. de Im-*  
*petig.*

*petig. fol. 39.* Sed nequit ille Morbus huic rectè æquiparari, uti cuilibet mature omnia perpendenti luce meridiana clarius apparebit; neque mea hic interest rem ulterius ad trutinam redigere, cum utriusque ægritudinis differentiz Physicis fere omnibus notæ sint. Quid ergo? An morbus revera novus? Haud facile assentior; cum præsertim Ordinationem quamdam fortuito inveni-  
nerim a Venerando Capitulo Nosocomii majoris Mediolani editam Anno 1578. die 6. Martii, quæ sic habet. *Quinto. Che quelli, che saranno Infermi di Pella-  
rella, Croste, Gomme, e Piaghe, siano ac-  
cettati, avendo però il Mandato sottoscritto  
ut supra.* Decernant nunc Eruditi, an terminus ille *Pellarella Pelagram* hanc nostram designet necne. Si affirmativè sentiant, non adeò recens erit morbi epoca; si contra, iterum ambigo. *Quam-*

vis etenim clinici Scriptores de hac cutis ægritudine nundum egerint præcise, non inde tamen crui potest indubie haud prius istiusmodi extitisse morbum. Num impossibile, veteres Medicinæ Patres eadem symptomata, quæ nunc *Pelagra* assignant Neoterici, aliis retulisse Morbis, & Cutis potissimum? Porro cum eadem fere semper extiterit causa (uti inferius ostendam), subjecta eadem, cur non & iidem effectus? Sed de hac re satis superque, irritam enim quæstionem duco.

Num contagiosus?

Interea neminem arbitror somniaturum *Pelagram* morbum esse contagiosum, contrarium namque patet evidentissime. Definatur Contagium *Vis illa, vel Activitas, qua affectus quispiam residens in uno Corpore sui similem excitat in alio, & quidem vel immediatè, & corporaliter per contactum, vel mediate; & ad*  
di-

*distans*. Thom. Willis de Febr. cap. 12. Quap-  
posita Contagii deffinitione; invicta edo-  
cemur experientia, *Pelagram* quamvis  
confirmatam non solum non ad *distans*,  
sed neque per contactum communicari;  
constat enim, tot *Pelagrosos* in rusticis  
familiis degeret, quin ulla unquam  
propagetur labes; constat plurimas ha-  
beri Uxores inveterato morbo vexatas,  
sano interim Marito, & econtra; con-  
stat denique ex repetita a me toties  
observatione in Nosocomio, *Ægrotas*  
scilicet confirmata *Pelagra* laborantes,  
in eodem cum sanis lectulo ad plures  
dies cubasse, æstivo ut plurimum tem-  
pore, nulla inde facta in alias hujusce  
Morbi transfusione. Jure ergo merito-  
que statuendum *Pelagram* omni carere  
contagio. Num igitur *Pelagra* morbus  
epidemicus, aut endemicus? Neutrum  
videtur. Epidemici quippe morbi di-

cuntur illi , qui in regione qualibet universim grassantur , causamque tradunt a maligno æeris influxu ; Endemici vero , qui sunt alicui regioni peculiare , in eaque communiter serpunt . An Morbus sporadicus ? Utique . *Pelagra* enim nec universim grassatur , nec alicui regioni peculiaris est , Agricolasque in nostra hac Insubria hic , & illic indiscriminatim aggreditur , eos nempe , qui dato , continuatoque tempore nimium sese exponunt solaribus radiis , uti quispiam sano iudicio vel facile noverit .

Quænam  
causa sit ?

Sed de hac re quid plura ? Inquirenda quippe nunc Morbi causa , in qua definienda nonnulli musitant . Cur , immortales Superi ? Nonne satis evidens , & unica causa Insolatio ? Quod si quis contra sentiat , & cibos *Pelagra* ansam præbere contendat , mihi quæso indicet istiusmodi Sophus . Cur tot Miseri , qui

pejo-

pejoribus utuntur cibis *Pelagra* minime corripiantur? Cur Rusticis domi degentibus, eodemque victu utentibus, cibariis scilicet duris, austeris, terrestribus morbus hic non eveniat? Cur caritatis tempore non omnes evadant *Pelagrosi*? Si animi pathemata. Cur Rura tantum, non Oppida, Urbesque *Pelagra* aggreditur. Si denique labores. Fabri ferrarii tota die insudantes Incudi cur non *Pelagrosi*? Cur non æque tot alii Artifices summo opere defatigati, quorum numerus pene infinitus? Idemque omnino affirmandum de tot aliis, quas nonnulli proferunt Morbi hujusce causis. Sed iterum reponitur, causas hasce non solas, sed utique Insolationi additas *Pelagram* efficere. Ast quam nova, quamque fallax sit hæc instantia nemo non videt; fallax profecto; in physicis enim multiplicanda non sunt entia sine neces-

sitate, ne oriatur confusio; cumque In-  
 solatio sufficiat ex se ad hanc procrean-  
 dam ægritudinem, aliæ non sunt extor-  
 quendæ causæ, quæ nundum ex se *Pe-*  
*lagram* promunt. Varias Epidermidis al-  
 terationes a solaribus radiis dependere  
 veteres quoque arbitrati sunt. Senner-  
 tus enim ait in tractatu de Ephelidibus  
*præf. lib. 5. part. 3. sect. 1. pag. 76.:* *Et*  
*quidem Ephelidum primum genus est notus*  
*ille affectus, nigredo scilicet illa, quam*  
*Germani Sommerbrandt appellant, in facie,*  
*manibus, & partibus aliis radiis Solis ex-*  
*positis ab ardore Solis contractus. Et pa-*  
*tiuntur hunc affectum tam Viri, quam Fæ-*  
*mina, in primis tamen Fæmina, quæ Cu-*  
*tem teneriorem habent, ac præcipue verno*  
*tempore. Cum enim Cutis tempore hyberno*  
*calori non sit ita adsueta, si tempore verno*  
*subito Solis radiis exponatur, quæ antea*  
*erat alba, rubescere cum nigredine quadam*  
*in-*



*incipit*. Et idem de lentiginibus pag. ead. sequentia habet. *Erumpunt*, lentigines scilicet, *quoque maxime iis in partibus, quæ æri externo exposta sunt, facie, collo, manibus, superiore parte thoracis, quia & cuticula a Sole magis aduritur, & ær ambiens vapores illos adustos in cute detinet*. Possem & alia colligere hujusmodi Auctorum cogitata, quæ magis magisque opinio hæc firmaretur, nisi ratione jam constare crederem, majores minoresve cutis affectiones in hoc morbo a remissione, vividioresque tantum Insolatione esse derivandas. Cum enim Sol fervidiores vibrans radios subjecta sibi Agricolæ corpora diu exagitet, acriusque perturbet, nimium inde rarefiunt collecti per hyemem humores; canalium tunicæ plus æquo distenduntur, exhalantes cutis poruli violentius dilatantur, transpirabilis materia vi cordis,

vasorumque impulsu ad ipsos indefinenter confluit , ut qua exitus patet permixte , & confusim dimanet . Quânam igitur poterit tanta hæc eliminari humorum copia ? Nonne extremitates ultimorum , minimorumque tubulorum enervari ? Nonne aliquam copiosissimæ transpirationis partem in hisce stagnare ? Nonne cætera necesse est consequi symptomata superius indicata initiatæ *Pelagræ* ? Quod si continuata Solis actione , aut peculiari Cutis dispositione , exhalantes poruli omnino oblitterentur , cutisque rugosa , callosaque fiat , nulla tunc in affectis partibus transpiratio ; hinc tot confirmatæ ægritudinis accidentia . Porro majores , minoresve sunt *Pelagræ* effectus , juxta majorem , minoremve cutis alterationem , uti docet experientia ; concludendum ergo unam esse eandemque morbi causam , scilicet In-  
 sola-

folationem. Neque ego is sum, qui ignorem, cæteras allatas causas posse *Pelagram* augere, diminuere, varieque mutare. Ast quid inde? Nonne & idem evenit in omnibus fermè ægritudinibus? Bilis e. g. tertianam simplicem in illo mitem, in hoc perniciosam febrem facit; non erit ideo bilis vera morbi causa. Ecquis sanæ mentis ita ratiocinabitur? Ex morbo enim morbi fiunt, & sæpe una causa varios producit effectus, juxta diversas circumstantias.

*Pelagæ* symptomata breviter indicavi superius in Morbi historia; utque clarius res procedat eadem nunc repetam meliori ordine morbum dividendo in propria stadia, in *initiatum* scilicet, *confirmatum*, *desperatumque*. Signa *initiatæ* ægritudinis sunt; prægressa *infolatio* tempore verno præcipue, color epidermidis in rubrum nunc, nunc ali-

An idem  
semper ef-  
fectus?

ter

ter mutatus, maxime manuum, pedum, colli, faciei, cæterarumque partium, quæ magis Soli fuere expositæ, subsequens pruritus, & tandem cutis decidentia in squamulas veluti fursuraceas. Confirmatum morbum significant præcedentia symptomata initiatæ *Pelagra*, cutis rugosa, callosa, rimisque referta, nulla ut plurimum febris, timor, mœror, vigiliæ, mentis oblivio, ne dicam, fatuitas, hypocondriaca deliria, alvi fluxus, mania, virium defectus, & aliquando omnimoda fere motus cessatio crurum maxime, femorumque. *Desperatum* vero indicant signa prægressa confirmatæ ægritudinis; affectiones comatosæ, febris, diarrhæa colliquativa contumax, summa corporis macies, animi deliquium, quod sequitur Mors. Omnes hi *Pelagra* effectus constanter observantur, quibus & varia adduntur pe-

cu-

culiaria morborum symptomata , juxta  
 diversas ægritudinum complicationes ,  
 ægrorumque dispositiones . Pessimum est ,  
 si morbus hic Cachexiæ , Cachochimiæ ,  
 Scorbuto , Phthysi , aut Hydropi asso-  
 ciatur . Hydrops maxime & *Pelagra* læ-  
 thalem efficiunt morbum ; remedia quip-  
 pe , quæ huic profunt , alteri nocent  
 ægritudini . Fœminam tantum optimo  
 præditam temperamento , sanguineo sci-  
 licet , confirmata *Pelagra* & Anasarca  
 laborantem , præter hanc neminem ad-  
 huc convaluisse memini ; neglecta vero  
*Pelagra* cura evasit ex hydrope . Qui la-  
 xiozem habent fibrarum contextum , &  
 qui atro-biliari temperamento donantur  
 difficilius patiuntur malum . Pulsus par-  
 vi , debiles , frequentes in fine morbi  
 exitiales . Facilis in *Pelagra* transitus ex  
 delirio ad soporem , & viceversa , uti  
 sæpius animadverti .

Cur

Cur interim tot capitis mala? An ex Solis actione, quæ magis partem hanc afficiat, alteretque? Num ex peculiari, debilique vasorum cerebri structura? An alteratio cutis nerveis filamentibus constructæ in consensum trahit nervorum sedem? Num transpirabilis materiei ad cerebrum facilior refluxus? Videntur designare frequentes Corizæ, doloresque Capitis ex minimo transpirationis defectu. Cur alvi fluxus? Ex lege humorum Corporis, tendentiæ scilicet a circumferentia ad centrum, & viceversa, juxta tritum illud adagium. *Cutis densitas, alvi laxitas, & e contra.* Cur in aliquibus morbus cito fit confirmatus, serius in aliis, aut nunquam? Ex diversis corporum dispositionibus, & Cutis maxime. Cur denique tot alia Vitæ incommoda ex parva adeo Epidermidis mutatione? Hæc omnia si quis

curiosius velit perscrutari, proprio Marte interpretetur, adeatque in primis *Sanctorium*, ex quo innumeros impeditæ transpirationis morbos ediscet.

Hiscæ strictim præmissis operæ pretium est nonnulla ad curationem spectantia attingere, quæ duplex assignari potest; prima scilicet, & tutior ea, quæ methodum designet morbum hunc præcavendi; altera vero, quæ indicationes, & remedia suggerat, quibus *Pelagram* jam factam temperare, aut prorsus tollere Medicus valeat. Quod ad primam attinet, summopere doleo quamplurima, quæ valde proficua forent præcepta, inutilia prorsus cessura miseris Agricolis, qui comparandi Victus necessitate coacti, vitam interim ipsam pretiosam utique, laboriosam vero maxime periculis omnibus inscii, sponteque tradunt. Atque utinam mea me  
fal-

An Hygiene attendenda?

falleret opinio , dum isthæc autumo .  
 Præcipuum quippe , tutissimumque mo-  
 nitum esset , quod Rustici omnes impo-  
 sterum tempore vernali potissimum so-  
 lares radios effugerent . Quis interim  
 arva colet ? Aliæ porro assignari pos-  
 sunt cautiones , quæ morbum si non  
 omnino arceant , mitiorem quidem effi-  
 ciant . Galerum gestiant Agricolaë palea-  
 rem , valde latum , quem utique Rusti-  
 culæ gestiunt ad venustatem , crura te-  
 gant quotidie caligis , manus vero Chi-  
 rotecis , ( ridiculum sane consilium Sen-  
 nerti ) , cæterasque corporis partes , quoad  
 fieri potest , a Sole defendant . Abluant  
 sese sæpe sæpius Avicularum more , &  
 si non omne corpus , extremitates sal-  
 tem , quæso abluant ; Balneum siquidem  
 præsentissimum est remedium ad hanc  
 removendam ægritudinem ; facile enim  
 in nostra hac Insubria reperiuntur aquæ .

Mo-



Monendi denique sunt Rustici omnes de exitiali morbo , quem non metuunt ex ignorantia . Gravissimum hoc charitatis officium Ruri existentibus Medicis quam maxime incumbit . Publicum vero , latum , valdeque frequens sit monitum dura Agricolarum cerebra excitans . Hæc si religiose observentur spem faciunt Rusticorum corpora servandi ab atrociori morbo , quod faxit Deus .

Porro nunc deveniendum ad curationem *Pelagræ* jam factæ , de qua breviter differam , eaque tantum adnotabo , quæ mihi usque adhuc visa sunt hujusmodi *Ægrotis* profuisse . Relictis igitur accidentalibus indicationibus , quæ & in hoc morbo , uti & in aliis derivantur a temperamentorum diversitate , variisque ægritudinum connubiis , de iis tantummodo agam in præsens , quæ a *Pelagræ* causa , propriisque symptomatibus

Quæ tandem Cura-  
tio?

re-

resultant. In primis vero attendenda denuo sunt morbi stadia, ut recte procedat curatio; initiata namque ægritudo sanatur facillime, difficilius confirmata, desperata nunquam. Nonnulla ulterius, quæ in primo stadio juvant remedia, in secundo nocent, pariterque in tertio. Sit igitur curandus Æger initiata *Pelagra* laborans; quid agendum? Cum maxima omnium, & præcipua sit in hoc morbo intentio Cutis exhalantes porulos aperiendi, ut transpiratio liberior fiat, cumque id dupliciter obtineri possit, Balneo scilicet, & frictionibus extrinsecæ, diaphoreticis vero intrinsecus adhibitis; neglectis cæteris omnibus, præstantissimo, tutissimoque remedio disponendus est Ægrotus, Balneo videlicet; idque optime fiet Ventriculum, & Intestina primum expiando, ut si quæ fœcum, humorumque sarcina existat, blan-

blandis eliminetur Ecoproticis, aut purgante, si opus fuerit, medicamine, juxta diversas circumstantias temperiei, ætatis, victus, & similium, quæ semper sunt attendenda; cæterorum quoque Abdominis viscerum explorandus est status, ut si quæ adsint obstructions, aperientibus, deterfivis, aliisque hujusmodi auferantur. Phlebotomia plus minusve celebranda, urgente plethora, summo tamen consilio, uti sæpius didici; delirium namque subsequens observavi, inopinatum equidem, insuetumque symptoma in hoc morbi statu. Potiones inde diluentes *Pelagrosus* hauriat ad aliquot dies, desumptas præcipue a fero lactis herbis refrigerantibus, & antiscorbuticis alterati: lætusque tandem Balneum ingrediatur ad hebdomadas, juxta Medici placitum, fretus spei recuperandæ valetudinis. Hac curationis

me-

methodo quamplures sanatos vidi.

In secundo *Pelagræ* statu præparandus est *Æger* ad Balneum diversimode ac in primo. Si quid per alvum educere oporteat, purgantia blanda feli-gantur, quibus corroborantia addi debent v. g. pill. de succin. Crat., mastic., & similia. In hoc quippe morbi stadio viscerum fibræ laxari quodammodo incipiunt, facilisque mutatio in desperatam ægritudinem. Id serio animadvertant *Physici*, neque enim allucinari me arbitror. Contra vero, si adiit *Diarrhæa*, & ipsa caute cohibenda remediis præcipue a vegetabilibus desumptis, uti sunt tamarind., ipecuacan., suc. limon., sal absynth., mixt. stomat. River., aliaque istiusmodi. Injiciantur in alvum Clyst. chalibeati. Pro potu, si absit sitis, sobrie utatur *Æger* meraciori vino; merum enim languentes *Agricolæ* valde

valde exhilarat ; si vero Patiens sitiât ,  
 serum lactis bibat tamarindatum , emul-  
 sion. nitrât. , aut aq. limon. Simpliciter  
 diluentia in confirmata *Pelagra* omnino  
 sunt proscribenda , ne viscera , quæ con-  
 firmari debent , nimium enerventur ,  
*Ægro* in deterius ruente . Mixturæ in-  
 tus cardiacæ , corroborantes , & vulgo  
 cephalicæ propinandæ . In plethoricis  
 sanguis aliquando detrahendus , a Jugu-  
 laribus etiam in forti mania . Tempo-  
 ribus applicatæ Hirudines mira præstant .  
 Hisce ingeniose peractis , Balneo tradat-  
 ur *Æger* , habito respectu virium , quæ  
 aliquoties deficiunt adeo , ut parcè ni-  
 mis , aut eodem prorsus uti nequeat  
 Medicus . Supplent tunc huic infortunio  
 universales Corporis frictiones , frequen-  
 tes affectarum partium ablutiones , aut  
 fomenta ex Decoctis emollientibus , se-  
 roque lactis parata ; remediis interea  
 cor-

corroborantibus intrinsecus exhibitis .

Pervicax Morbus est confirmata *Pelagra* ; hinc sæpissimè , absoluto universali Corporis Balneo , plura adhuc remanent peragenda , ut vires Ægro restituantur , Capitisque mala deleantur omnino . Huic scopo conducunt reiteratæ Frictiones Pannis laneis , asperis , extremitatum præcipuè Corporis , quæ magis ut plurimum afficiuntur , Cucurbitulæ , Hirudines temporibus affixæ , Vescicantia , quæ optimo adhibentur successu ad excitandos maximè Ægrotos , qui laxiori donantur Fibra ; Vescicatorium Occipiti applicatum summopere juvat : Intus Aqua Thædæ ad Uncias octo circiter epota bis in die , Vinum utique , & similia profunt . Chaliceata porro proficua fore censeo , sed de his me nundum usque adhuc experimentum fecisse , ingenuè fateor . Cæte-

terum , ut paucis complectar omnia , quæ ad *Pelagræ* curationem pertinent , breviter hæc subjiciam ; Balneum scilicet primam esse medelam in hoc Morbo , hac tantum lege , ut in initiato ( præmissis præmittendis , uti superius adnotavi ) intus diluentia , in confirmato corroborantia præbeantur remedia . Diæta in hac *Ægritudine* sit ex vegetabilibus farinosis , exceptis Carnibus . Qua vero ratione hujuscemodi *Ægro-* tantes ipse curaverim , quas inferius addam , Historiæ declarabunt . De desperata *Pelagra* verba facere supervacaneum esset ; in hoc enim Morbi stadio solidorum nulla est reactio , Tabesque cadaverica fermè Corpus occupat , & vix Cardiaca Vitam aliquantisper sustinent , ut pluries adnotavi .

Hæc sunt , quæ ex multiplici observatione , sedulaque Praxi colligere potui ,

tui, quæque ex animo scripsi, non qui ingenio nimium tribuerem meo, sed ut ea probanda, vel emendanda sapientissimis in hac Scientia Viris exhiberem, quorum auctoritatem, gravissimumque judicium summopere vereor, ac colo.

## HISTORIA PRIMA.

### *Confirmata Pelagræ.*

**M**Artha Bonfanti loci Prignanzæ, annorum triginta circiter, quatuor feliciter ennixa Fœtus, temperamentum sanguineo-lymphaticum, habitus Corporis mediocris, tribus abhinc annis, neglecta jampridem initiata *Pelagra*, incidit in confirmatum Morbum. Ægram hanc curandam adivi in Nosocomio die prima Augusti præsentis anni. Explorata imi Ventris Viscera inveni sana, Pulsus erat valdè debilis, sed nulla Febris, deerat quo-



quoque Alvi fluxus . Vertigines , aliaque Capitis mala jamdiù patiebatur , Cutisque in dorso Manuum præcipuè , & Pedum callosa ; attonita tunc videbatur Mulier , non parum emaciata , viribusque destituta adeò , ut Pedibus minime consisteret . Oris amaritiem , summamque inappetentiam accusabat , linguaque albam superficiem præseferbat . Leni igitur Ecoprotico Ægrotam purgavi ex Flor. Cals. , & Pill. Succin. Crat. desumpto . Post ad triduum omni mane Lactis Serum tartarizatum exhibui ; mixturas deinde corroborantes ex Aq. artemis. , meliss. , tot. citr. ana. unc. ij. , Confect. alchem. 3. j. , Liquor. C. C. succin. scrup. sem. per diem assumendas præscripsi . Hisce peractis, Balneo *Pelagrosam* tradidi, sed malo omine , Balneas etenim tollerare non potuit Ægra virium defectu . Quamobrem extrinsecè universales Corporis fri-

frictiones , extremitatum maximè , Fo-  
menta affectarum partium ex Decoct.  
emollient. , aliquando Cucurbitulas , se-  
mel Hirudines temporibus admove-  
jussi ; intùs verò Aquam Thædæ ad Un-  
cias octo bis quotidie hauriendam præ-  
bui usque ad novum Monitum . Aqua  
Thædæ usa est Patiens ad duodecim  
dies , miro quidem juvamine , vires enim  
summoperè recuperavit . Cum vero hi-  
sce Remediis Alvus , plusquam par est ,  
styptica esset , Ecoproticum denuo pro-  
pinavi die vigesimaquinta ejusdem men-  
sis , idemque vigesimaseptima reiteravi  
prospero eventu , continuatis interim Fri-  
ctionibus . Post hæc , convalescente Ægra ,  
lautiorem Diætam , meraciusque Vinum  
ad unc. vi. quotidie exhibui , exceptis Car-  
nibus , quæ nunquam conveniunt in Mor-  
bis impeditæ Transpirationis . Interea  
cœpit Mulier hilari esse , Corpus enu-  
triri ,

triri, sanusque Color in facie efflorere,  
 e Lectulo surgere, ambulare, in omni-  
 bus bene se habere, lætaque tandem Do-  
 mum petiit die undecima Septembris.

## HISTORIA SECUNDA.

**E**X ordine Venerandi, vigilantissimique  
 Capituli Nosocomii majoris mihi tra-  
 dita est, ut Ei operam præstarem, Fran-  
 cisca Cajellina loci Vergiati, die tertia  
 Augusti currentis anni. Fœmina hæc æta-  
 tis circiter annorum quinquaginta, tem-  
 peramenti atro-biliofi, validi, carnosique  
 Corporis habitus, spreta jamdiù initiata  
*Pelagra* devenit hoc anno in confirma-  
 tam *Ægritudinem*. Eadem fere enarra-  
 vit Patiens Morbi symptomata, ac Mar-  
 tha Bonfanti; Pulsus tantum tardus erat,  
 nec adeo debilis, viresque in reliquo  
 Corpore constantiores, in Extremitatibus  
 nullæ. Purgavi & hanc consueto Medi-

ca-

camine . Post ad aliquot dies sumendum exhibui decoct. cæphalic. cum Tinct. succin. , dein ingressa est Balneum Ægra ad dies quindecim . Hisce confectis , mæstam adhuc Fœminam esse , nec satis viribus pollere observavi . Quamobrem Frictiones universales , sæpe Cucurbitulas adhiberi , semel Hirudines Temporibus ad moveri , necnon Vescicatorium Occipiti applicari præscripsi , atque ex hoc potissimè plurimum juvaminis . Aquam Thædæ ad aliquot dies sumpsit Ægra , corroborantes dein mixturas ; cumque in dies Mulier convalesceret , leniorem Diætam permisi , tandemque & ista abiit incolumis . Pertinacior autem fuit in hac Fœmina morbus ex pessimo temperamento , uti superiùs adnotavi .

Possem præterea historiam Angiolæ Mariæ Monti ejusdem loci Vergiati , quæ & ipsa evasit a confirmata *Pelagra* , aliarum-